





尚書中候曰堯時龍馬銜甲赤文綠色臨壇上甲似  
龜廣袤九尺圓理平盛五色文有列星之分斗政之  
度帝王興亡之數

神馬騰黃吉光騶騶飛兔駛蹄 騶音咬 騶音

存經援神契曰德至山陵則澤出神馬

瑞應圖曰騰黃者神馬也其色黃王者德御四方則

至一名吉光乘之壽三千歲此馬無死時

騶騶與飛兔同以明君有德則至飛兔日行三萬里

禹治水土勤勞天應其德至駛蹄者后土之獸也自

能言語王者仁存於民則出禹治水有功至

漢書音議曰騶騶神馬也赤喙黑身

宋志曰漢元和中騰黃見郡國

驪

記曰夏戎事乘驪殷乘翰周乘駟夏駟馬黑鬣殷曰

馬黑首周黃馬蕃鬣疏曰魯有三代之馬

吉黃

周書曰犬戎之馬赤鬣白身目若黃金名曰馮吉黃

之乘成王時來獻或曰文王時獻之 馮一作馮 音馮

八駿

推遺記曰周穆王馭八駿之駿一名絕地足不踐土



二名翻羽行越飛禽三名奔霄夜行萬里四名超影  
逐日而行五名踰輝毛色炳輝六名超光一形十影  
七名騰霧乘雲而奔八名按翼身有肉翅遮而駕焉  
按轡徐行以布天地之域黃帝曰黃龍  
翠龍

揚雄河東賦注師古曰翠龍穆天子所乘馬也

玉馬

瑞應圖曰玉馬者王者清明尊賢則至一本曰玉澤  
馬者師曠時來

驪驪

左傳唐成公有兩驪驪馬

文馬

左傳宋人以文馬百駟贖莘元于鄭

朱鬣

左傳宋公子地有白馬四公嬖向魍魎欲之公朱其  
尾鬣以與之

啟服

左傳衛侯來獻其乘馬曰啟服

秦七馬

古今注曰秦始皇有七馬一曰追風二曰白兔三



曰躡影四日追電五日飛翻六日銅雀七日晨息  
楚騅

史記項王駿馬名騅常騎及敗至烏江謂亭長曰吾  
騎此馬卅歲所當無敵不忍殺以賜公

九逸

西京雜記漢文帝自代還有良馬九匹皆天下駿足  
也名曰浮雲赤電絕群逸騾紫燕綠鶩龍子驎駒  
絕塵號九逸

烏孫天馬

張騫傳元狩中得烏孫馬好名曰天馬及得宛汗血

為

馬益壯更名烏孫馬曰西極馬宛馬曰天馬

赤兔

曹操傳呂布有駿馬名赤兔常騎乘之時人馬之語

曰人中有呂布馬中有赤兔

絕影

後漢書曹公所乘馬名絕影

白鶴

捨遺記曹洪與魏武所乘之馬名曰白鶴時人諺曰  
憑空虛躍曹家白鶴

上黨澤馬



宋志魏黃初中上黨得澤馬

紫騎

魏志陳思王表文帝曰臣於武皇帝世得大宛紫騎

馬一匹敎令習拜

驚帆

古今注曰曹真右駉馬名驚帆言其馳驟烈風舉帆

之疾也

大宛馬

晉武帝泰始六年九月大宛獻汗血馬

晉太元神馬

晉武帝太元十四年寧州刺史費統言晉寧郡滇池

縣有神馬一黑一白盤戲河水之上

元馬

華陽國志會無縣有元馬日行千里死於蜀

今元馬冢是也

滇池神馬

華陽國志曰神馬四匹出滇池河中

大宛千里駒

晉載記苻堅遣使西域於是大宛獻千里駒皆汗血

朱鬣五色鳳膺麟身堅命羣臣作止馬詩而遣之



驤

軍

韋本精白... 載記慕容廆有駿馬曰精白有奇相逸力雋比之於  
鮑氏駟車鑄銅以圖其象親為銘贊鐫勒其旁置之  
劍拔東掖門

龍驤

齊書齊太祖象常所騎赤馬入殿及踐祚號此馬龍  
驤將軍志書無異可云馬驤云是日行千里

青海驄

隋書吐谷渾有青海山其俗至冬輒放牝馬  
於其上言得龍種嘗得波斯草馬放入海因生驄駒

日行千里故世稱青海驄

康國馬

武德七年康國獻名馬

十驥

唐書骨利幹遣使獻良馬十匹唐太宗為之制名號  
為十驥一日騰霜白二日飲雪驄三日凝露驄四日  
縣老驄五日決波驄六日飛霞驄七日發電赤八日  
流金駟九日翔麟紫十日奔紅赤乃序其事曰噴沫  
削千里飛紅流汗則三條振血塵不及起影不暇生

決波驄



西陽雜俎曰決波駟走歷門三限不躓太宗允惜之  
隋內庫有交臂玉環二臂相貫如連環特表其轡

唐太宗有拳毛騮杜甫觀曹將軍畫馬圖曰昔日太

宗拳毛騮近時郭家師子花香殿新圖有二馬復令

識者久嘆嗟

黃驄驃

黃驄驃

樂志唐太宗破竇建德乘馬名黃驄驃命樂工製黃

驄疊曲宮調也

波斯馬

波斯馬

吐谷渾傳得波斯馬牧于海生驄駟日步千里

蹀馬

通典唐翔麟鳳苑鹿蹀馬俯仰騰躍皆合節朝會用

樂則兼奏之

紅玉

天寶中大宛進汗血馬六匹紅紫青黃丁香桃花叱

撥上乃改名紅玉紫玉平山凌雲飛香百花鞞命圖

於瑤光殿

龍支馬

天寶中皇甫惟明奏龍支縣人庫狄存義有馬生龍



駒身有鱗而不生毛特有慶雲五色覆馬上久而不

散

赤驃

岑參赤驃馬歌曰君家赤驃畫不得一團族風桃花

色

太原異馬

唐開元十二年太原獻異馬駒其耳如筒左右各十

在肋肉尾無毛

靈昌異馬

明皇時靈昌郡得異馬於河帝西幸入渭水化為龍

泳去

龍駒

祥符九年大名監產赤馬肉尾無鬃是龍駒

出格馬

紹興七年五月廣右進出格馬十匹上畱其一餘付

殿前司上曰馬之良者不必西北

九花駒

唐書太宗以郭子侯收復偃師功賜九花駒馬

肉駁

蘇東坡集秦州進一馬項下重胡削毛生肉端此肉



